

ՀԱՍՏԱՏՎԱԾ Է

ՀՀ ԿԳՄՍՆ «ԳԱՎԱՌԻ ԱԿԱԴԵՄԻԿՈՍ Ա.ԹԱՄԱՍՇԵՎԻ
ԱՆՎԱՆ ՊԵՏԱԿԱՆ ԳՅՈՒՂԱՏՆՏԵՍԱԿԱՆ ՔՈԼԵԶ» ՊՈԱԿ-Ի
ԽՈՐՀՐԴԻ 2025-Ի 14-Ի ԹԻՎ. 3. ՆԻՍՏՈՒՄ
ՔՈԼԵԶԻ ԽՈՐՀՐԴԻ ՆԱԽԱԳԱՀՆ Կ. ԿՈՒՌՈՅԱՆ

«14» «10» 2025թ.

ԿԱՐԳ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅԱՆ

«ԳԱՎԱՌԻ ԱԿԱԴԵՄԻԿՈՍ Ա.ԹԱՄԱՍՇԵՎԻ ԱՆՎԱՆ ՊԵՏԱԿԱՆ ԳՅՈՒՂԱՏՆՏԵՍԱԿԱՆ
ՔՈԼԵԶ» ՊՈԱԿ-Ի

ՈՒՍԱՆՈՂՆԵՐԻ ԳԻՏԵԼԻՔՆԵՐԻ, ԿԱՐՈՂՈՒԹՅՈՒՆՆԵՐԻ ԵՎ ՀՄՏՈՒԹՅՈՒՆՆԵՐԻ

ԳՆԱՀԱՏՄԱՆ ԲՈՂՈՔԱՐԿՄԱՆ

/նոր խմբագրությամբ/

Գալատ 2025թ.

1. ԸՆԴՀԱՆՈՒՐ ԴՐՈՒՅԹՆԵՐ

1.1. Սույն կարգը նախատեսված է կարգավորելու ՀՀ ԿԳՄՄՆ «Գավառի ակադեմիկոս Ա. Թամամշևի անվան պետական գյուղատնտեսական քոլեջ» ՊՈԱԿ-ի (այսուհետ՝ Քոլեջ) ուսանողների գիտելիքների, կարողությունների և հմտությունների գնահատման վերաբերյալ բողոքների /դիմումների/ ներկայացման և քննարկման հարցերը:

1.2. Սույն կարգի դրույթները տարածվում են առկա և հետագա ուսուցման համակարգերում կրթական բոլոր ծրագրերով ուսումնառող ուսանողների վրա:

1.3. Ուսանողը կարող է բողոքարկել գիտելիքների, կարողությունների և հմտությունների գնահատման արդյունքները քոլեջի բողոքարկման հանձնաժողովին, որը ձևավորվում է քոլեջի տնօրենը՝ բողոքի առկայության դեպքում:

1.4. Բողոքարկման հանձնաժողովի կազմի մեջ մտնում են՝

- ա) տնօրենը (նախագահ),
- բ) ուսումնական աշխատանքների գծով տնօրենի տեղակալը (նախագահի տեղակալ),
- գ) համապատասխան ամբիոնի վարիչը,
- դ) առարկայի /մոդուլի/ դասախոսը,

Հանձնաժողովի նիստերը արձանագրվում են նախքան նիստը սկսվելը Հանձնաժողովի կազմից՝ քվեարկության արդյունքում ընտրված քարտուղարը:

1.5. Ուսանողների հանրակրթական առարկայի պետական ավարտական քննությունների արդյունքների բողոքարկումը կարգավորվում է համաձայն ՀՀ ԿԳՄՄՆ «Գավառի ակադեմիկոս Ա. Թամամշևի անվան պետական գյուղատնտեսական քոլեջ» ՊՈԱԿ-ի հանրակրթական առարկաների պետական ավարտական քննությունների կազմակերպման և անցկացման» կարգի:

1.6. ՀՀ ԿԳ նախարարի 2006 թվականի հուլիսի 18-ի №638-Ն հրամանի հավելվածով հաստատված կարգի համաձայն պետական ամփոփիչ ստուգման արդյունքների բողոքարկում ուսանողին չի թույլատրվում:

1.7. Ուսանողի գրավոր բողոք-դիմումը հիմք է գնահատման արդյունքների վերանայման և, անհրաժեշտության դեպքում, սույն կարգով վերագնահատում իրականացնելու համար:

2. ԲՈՂՈՔԱՐԿՄԱՆ ԸՆԹԱՑԱԿԱՐԳԸ

2.1. Ուսանողը կարող է գրավոր բողոք-դիմումը ներկայացնել՝ առարկայի /մոդուլի/ ամփոփիչ գնահատականը ներկայացնելուց հետո՝ երկու ժամվա ընթացքում, սույն կետով նախատեսված ժամկետից հետո՝ ներկայացված գրավոր բողոք-դիմումը ենթակա չէ քննարկման:

2.2. Գնահատականը բողոքարկելիս ուսանողը գրավոր հստակ նշում է բողոքի հիմքում ընկած հանգամանքները և հիմնավորումները:

2.3. Ուսանողը գրավոր բողոք-դիմումը ներկայացնում է Քոլեջի տնօրենին, ում կողմից ձևավորվում է բողոքարկման հանձնաժողով:

2.4. Կրկնակի ստուգման գործընթացն անցկացվում է գրավոր բողոք-դիմումը ստանալու օրը:

2.5. Գնահատականի վերանայման որոշում ընդունելուց հետո գրավոր բողոք-դիմում ներկայացրած ուսանողը դրա կազմակերպման տեղի և ժամանակի մասին ծանուցվում է դիմումը ներկայացնելուց հետո՝ 1 աշխատանքային օրվա ընթացքում:

2.6. Բողոքարկողի խնդրանքով գրավոր բողոք-դիմումը կարող է հետ կանչվել դրա քննարկման ցանկացած փուլում՝ մինչև վերանայումը:

3. ԲՈՂՈՔՆԵՐԻ /ԴԻՍՈՒՄՆԵՐԻ/ ՔՆՆԱՐԿՈՒՄԸ

- 3.1. Գրավոր բողոք-դիմումը նախապես քննարկվում է հանձնաժողովի կողմից:
- 3.2. Ամփոփիչ գնահատականների արդյունքների բողոքական դեպքում հանձնաժողովն իրավունք ունի գրավոր բողոք-դիմումը ներկայացրած ուսանողին քննել տվյալ առարկայի /մոդուլի/ ծրագրի շրջանակում:
- 3.3. Հանձնաժողովի կայացրած որոշումները պետք է լինեն հիմնավորված:
- 3.4. Հանձնաժողովի կողմից իրականացված կրկնակի ստուգման և գնահատման արդյունքում նախկին գնահատականը կարող է մնալ անփոփոխ, բարձրացվել կամ իջեցվել:
- 3.5. Հանձնաժողովի որոշումները վերջնական են, ինչի մասին կազմվում է արձանագրություն. գնահատականը: որտեղ արտացոլվում է վերջնական
- 3.6. Ուսումնական աշխատանքների գծով տնօրենի տեղակալը ուսանողի փոփոխված գնահատականը նշում է համապատասխան փաստաթղթերում՝ «գնահատականը փոխված է իմ գիտությամբ» գրառմամբ և ստորագրում:
- 3.7. Բողոքարկման արդյունքը քննարկվում է համապատասխան ամբիոնում: